



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 32. Concilium Londinense.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

*Concilium Londinense.*

Tria hoc anno concilia provincialia habebantur. Primum Joannes Pegasus Archiepiscopus Cantuariensis Londini ultimo Aprilis egit, aderantque Oliverius Lincolniae, Godefridus Vigornae, ac Richardus Herifordiae Episcopi, Cantuariensis Judex in foro sacro, Cancellarius Universitatis Oxoniensis, multique Doctores alii. Hoc in conventu Archiepiscopus de hæresi condemnavit octo propositiones, quas in provincia sua de novo defensas esse audierat. I. Corpus Christi mortuum non habebat eandem formam substantialem, quam habuerat vivum. II. Sed forma nova in illud introducta fuit; ideoque nova natura, sine nova conjunctione cum Verbo. III. Intra triduum Christi mortui, si sacrum fuisset factum, panis in hanc formam novam, sive naturam corporis mortui mutatus esset. IV. A Christi reditu ad vitam per verba ad Sacramentum pertinentia panis in corpus Christi vivum convertitur, ita, ut materia panis mutetur in materiam corporis, & forma panis sit forma corporis, quæ est anima rationalis. V. Corpus Christi vivum & mortuum erat idem ex his duntaxat capit-

Sæcul. XIII.  
A.C. 1286.

i. par. q. 76.  
art. 1.  
art. 4.

capitibus, quod eandem materiam, eandem dimensiones haberet, eandem animam rationalem respiceret, in eadem hypostasi Verbi existeret. VI. Corpus hominis cujuscunque mortuum etsi nondum penitus corruptum, non est idem amplius, quod erat, cum viveret, nisi quodammodo, nempe secundum communem materiam & quantitatem: sed proprie jam non est idem corpus. VII. His in quæstionibus non Summi Pontificis, non S. Gregorii, nec S. Augustini, vel Doctoris cujuscunque, sed sacri Codicis folius authoritati, & rationi demonstrativæ cedere tenemur. VIII. Principium omnium harum consecutionum est illud, quod in homine non detur nisi unica forma substantialis, quæ est anima rationis particeps. Hoc tamen principium est S. Thomæ aperte affirmantis animam rationalem esse formam substantialem hominis, nec aliam in eo dari posse.

§. XXXIII.

*Ravennense concilium.*

Bonifacius Lavaniensis ex Ordine Prædicatorum Ravennæ Archiepiscopus anno regiminis sui undecimo, seculi hujus octogesimo sexto, octava Julii concilium provinciale habuit, cui intererant septem